



Matai 8



Lung atonde busin tu yaal e mem omaaho ti hako vêêh vu Kena Galili, tombe Yesu tangganaan la nando having sil. Tombe yik lateey Yesu osin yite maanggêêm-aso be lala dando having.




Tombe silate wain lung la, om Yesu tangganaan nêêl vu nambe, "Wain ma la." Tombe tangganaan nêêl vu hil kul vaha-so nambe, "Naanêêl vakasin ti vu ham ond ham oo taamuyin."



Om Yesu nêêl vu hil kul-asôônju nambe, "Ham ana kava bel-ambe ham kaasêêh dukana denggambiing-anja be naapup." Tombe sil kava bel-ambe kaasêêh lukala denggambiing-ambe pup lôôt.



Tonde nêêl vu sil nambe, "Mem ham bayêên bel-anja be ham gako na vu omaaho sen tu vanôôn danggakook-ato." Tombe sil layêên-ambe lako be lala.



Tombe vanôôn danggakook num-ambe hango le bel tu wain ak, lemu doosin nambe lako wain-anjo vu tana, le hil kul vaha-so sen sil layêên bel-anjo lalak ni.



Om vanôôn danggakook-anju teey omaaho sen hako vêêh-ato laam, tombe nêêl vu nambe, "Hil pin oo davu wain anivasa vu hil namunggin-ambe danum lôôt, le mem davu wain anipaya heey taamu, nganjo hong ond gavu teenin wain anivasa be gesaange dakaa-jo le mem gavu laam."





Yesu wiing taahu taahu osin niwêêk-anjo nyendoos vu Kena Galili be taato yite nikaapulil vu sil, tombe yite maanggêêm-aso lawii-having yi.



Tonde Yesu lukala Pita-te bayêên alo, tombe yi de Pita yenaavêêh anivaane be neep.



Om Yesu puvu hôôk nama, tonde mem nivaanêê-to lung la, de kandi be la hayêên vanôôn-ambe vu vu Yesu.




9

Tonde soosin hôôk-ambe taaku me lukala, tombe lako hil anind lakin osin hil sen mamu nipaya dahôôvu sil-ato pin lala vu yi. Hil vu bayêên-anju pin lala lapup hôôk vinavi, . . .



10

. . . tombe wiing hil anind lakin vaha vaha ngeeyaata nind vasa nalak laah, tonde hatiiy mamu ngeeyaata be lato dala in omaahonôôn, de hilin mamu pin lavand jeen in nambe lalak ni nambe Anutu Noow yi om me-daanêêl yi langaah e.




11

Tombe hil pin lawiingin nambe sil gambe namand jak yi, in layi de yite niwêêk nawiing-ambe hil ngeeyaata nind vasa nahôôk.




12

Tombe hil lalaam-ambe omaaho yumbeyuuh laaku omaaho nipaling ti vaha yuuh nama nipayaa-to be lala in lana vu Yesu.



13

Le ma de hil ngeeyaata lahilin taaku de me-lukalah nambe lana vu Yesu le, om sil kawiiy bayêên vuuti neep baandoni nivalok vu sen Yesu naalêê-to, tonde mem taaluuhin nilakin tii-jôôto osin kaanye lukala.




14

Yesu lak ni nambe sil alondpayo la timu vu yi om nêêl vu omaaho nipaling-anjo nambe, "Noongg-e, gate nipaya ond sa kawiiy la. Sa naanêêl vu hong naambe okandi gako gate kaanye jak-ambe ganaah gambaam."




15

Yesu lakala kaanu tombe yite maanggêêm-aso lalakala having-ambe sil lala. Lala lalup betum lavuun atombe vavi bopaata wiing-ambe bel anipaya lak lôôt-ambe wiingin nambe savun kaanu na, le Yesu yoo neep ka lingin.



16

Tombe nêêl vu sil nambe, "Ham naham nalak in? Ham-ame awii-having niwêêk e." Nêêl atonde kandi lak-ambe nêêl vavi yuuh bel, tombe vavi ma la de bel neep tatimasin. Tombe kanund la lôôt-ande lanêêl nambe, "Omaahôô-jo yi vaati ondeey vavi yuuh bel nanyend vuun in lava?"



17

In Anutu yoo ka pasiv lôôt in hil pin vu voon, om wiing Noow yoo nôôn timu laam in nambe hil pin sen londpayo na timu vu yii-to me-lana mend nama le, malis, sil oo mando metumin danggata.

40

60

18

Lom 3:23

Keen, yiyi omaahonôôn pin ond yiyi naawiing va nipaya, om yame aalohvu nambe yaambiing va nohvu sen Anutu ahe naving-ato le.

Lom 6:23

In va nipaya navu nyevahaan vu hil nambe lanjimb-ambe lana mend nama, lemu Anutu ond nawiing samu samu nyemalis amu vu yiyi lak yate Omaaho Bop Yesu Kalisi-te kul nambe yiyi mando metumin danggata.

Hibluu-to 9:27

Hil pin e lanjimb balon timu, tombe sim taamusin e le lambiing vakasin.

19

Epesas 2:8,9

Ke, ham-ame awiing vati lukalaah in nambe nôôh ham vêêl in va nipaya-te nyevahaan e, nganjo ham alompayo la timu vu Yesu, tombe Anutu yoo wiing samu samu vu ham, om yik lôôh ham vêêl nyemalis amu. Dangga me-neep vu va sen ham nawiing-ato in nambe ham oo gako ham haalem jak e.

Lom 10:9,10

Om naambe onaanêêl Yesu langaah naambe Omaaho Bop, tonde gambiing gaving hôôk galompayo naambe Anutu wiing-ambe kandi lak vu hil yimb-ate, ond Anutu le gako hong naah vu yi. Keen, yik yalonggpayo nawii-having atombe Anutu nanêêl yiyi nambe hil anivalok, tonde yavingg nanêêl nambe yaawii-having Yesu tombe Anutu nako yiyi nalaah vu yi.

20

Jon 3:16,17

In Anutu yoo ka pasiv lôôt in hil pin vu voon, om wiing Noow yoo nôôn timu laam in nambe hil pin sen londpayo na timu vu yii-to me-lana mend nama le, malis, sil oo mando metumin danggata. In Anutu me-wiing Noow laam voon in nambe bu nyevahaan dôôk omaahonôôn-ate nipaya le, malis, wiing yi laam in nambe dôôvu sil.

1 Jon 5:11-13

Om vakasin keen sen Anutu nêêl langaah-ato nambe Anutu vu metumin danggata-te vu yiy lung la, metumin-anjo dangga lak Noow Yesu timu. Hil pin sen Anutu Noow nando having sil-ato ond sil dala mop metumin-ate, de hil pin sen Anutu Noow-ame nando having sil-ato, ond me-dala mop metumin-ate le. Sa kaavu vakasin-anjo laas vu ham in nambe ham anjak ni vanuh naambe ham sen ham alompayo nala timu vu Anutu Noow-ato, ond metumin danggata-te tu hamate va.

21

Matai 8-9; Maak 1-2, 4; Luk 4, 8; Jon 2

Storyline by: Edward D. Hughes

Illustrated by: Byron Unger, Lazarus,
and Alastair Paterson

Adapted by: E. Frischbutter, Sarah S.

Buang, Mangga Bible (mmo) © 1981, Wycliffe Bible
Translators, Inc. All rights reserved.

<https://live.bible.is/bible/MMOWBT/MAT/1>

©2026 Bible for Children, Inc.
www.M1914.org www.bibleforchildren.org

22